



partii naleraq

UPA2017/120

Immikkoortup 120 siullermeerneqarnera:

Uunga siunnersuut: Upalungaarsimanermut inatsimmi aalajangersakkat ilaasa atuutilersinneqarnerannik Kalaallit Nunaannut peqqusummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Siullermik erseqqissaatigitigu Partii Naleqqami aatsitassanik qinngorernik ulorianartortalinnut naaggaarluiinnartuugatta.

Ilaatigullu eqqaasitsissutigilarput Naalakkersuisuusimasut qinersivimmi siuliani Inatsisilerituumik Ole Spiermannimik misissuititsinikuummata 2009 kingorna kikkut suna, aatsitassanut sunulluunniit, akisussaaffigineraat, tassanilu erseqqissumik inatsisilerituup inerniliinera uagut tungitsinniit isumaqatigilluinnarlugu erseqqissaatigeqqissagatsigu.

Ungalu siunnersummut atatillugu imatut ilassuteqassuugut:

Novembarip 10-ian 2015 immikkoortunut 150, 151, 152, 157, 158 & 159 ataqtigiisillugit siullermeerneqarnerannut oqaaseqaaterput aammalu Septembarip 26-ian 2016 immikkoortoq 129 siullermeerneqarnerani oqaaseqaaterput innersuussutigalugit, una siunnersuut upalungaarsimanermut tunngasoq akuersaarlugu aappassaaneerneqanginnerani inuussutissarsiornermut aatsitassanullu ataatsimiititaliamut suliarineqarnissaa innersuussutigaarput.

Qujanaq